

## К ОПУБЛИКОВАНИЮ

### КОМИ РЕСПУБЛИКАСА ВЕСЬКӦДЛАН КОТЫРЛӦН

#### ШУӦМ

**Транспорт средствояслӧн, кутшӧмъясӧн вӧзйӧны вӧдитчыны Коми Республика мутасын пыр новлӧдлан дӧнмукостса маршрутъяс кузя автомашина транспортӧн ветлысь-мунысьясӧс да туй кӧлуй пыр новлӧдлӧмъяс збыльмӧдӧм могысь, экология боксянь торьяланлунъяс дорӧ корӧмъяс урчитӧм йылысь**

«Россия Федерацияын автомашина транспортӧн да карса мувыв электрической транспортӧн ветлысь-мунысьясӧс да туй кӧлуй пыр новлӧдлӧмъяс котыртӧм йылысь да Россия Федерацияса торья оланпастэчас актъясӧ вежсьӧмъяс пыртӧм йылысь» Федеральной оланпаслӧн 6 статьяса 1 юкӧнын 5 пункт, «Коми Республика мутасын автомашина транспортӧн олысьясӧс транспортӧн могмӧдӧмсӧ котыртан ӧткымын юалӧм йылысь» Коми Республикаса Оланпаслӧн 4 статьяса 14 пункт серти Коми Республикаса Веськӧдлан котыр шуис:

1. Урчитны, мый транспорт средствояслы, кутшӧмъясӧн вӧзйӧны вӧдитчыны Коми Республика мутасын пыр новлӧдлан дӧнмукостса маршрутъяс кузя автомашина транспортӧн ветлысь-мунысьясӧс да туй кӧлуй пыр новлӧдлӧмъяс збыльмӧдӧм могысь, колӧ лӧсявны М категорияа транспорт средствояслӧн, кутшӧмъясӧс лӧдзӧны вӧдитчӧмӧ да кутшӧмъясӧс уджӧдӧны Россия Федерация мутасын, экологической классъяслы, кутшӧмъясӧс урчитӧма «Кӧлесаа транспорт средствояслӧн безопасностьт йылысь» Таможня ӧтувса технической уджаланартӧн, кутшӧмӧс примитӧма Таможня ӧтувса комиссиялӧн 2011 во ӧшым тӧлысь 9 лунся 877 №-а помшуӧмӧн.

2. Тайӧ шуӧмыс вынсялӧ сийӧс официальной йӧзӧдӧм бӧрын дас лун кольӧм мысти.

Коми Республикаса Веськӧдлан котырӧн  
Юрнуӧдысьӧс вежысь –  
Коми Республикаса сьӧм овмӧс министр

Г. Рубцова

Сыктывкар

2020 вося сора тӧлысь 10 лун

340 №

*Пас лыд 1540*